

րին ել և մուտ և ծանօթութիւն բնակութեան լիցի:

Գ Լ ՈՒ Ն Ը.

Ամենայն մարդ ազատապէս կարէ խորհիլ, խօսել և գործել զամենայն զոր ինչ բարի և չար ըստ կամաց և հաճոյից իւրոց, ընդունելով 'ի վերայ իւր վարձ խորհրդեան և բանից բերանոյ և գործոց ձեռաց իւրոց թէ բարոյ և թէ չարի, զամենայն զոր ինչ հատուցում, պատիւ և կամ պատիժ 'ի դատաստանէ մերմէ պարտ է լինիլ 'ի բերմանէ կատարման գործոց բարեաց և չարեաց ըստ արժանաւորութեան բարոյ և չարին իւրաքանչիւր անձանց:

Գ Լ ՈՒ Ն ԸԱ.

Որովհետև իշխանք աշխարհին մերոյ լինելոց է ընտրեցեալ 'ի ժողովրդենէ զաւառաց աշխարհէն մերմէ, որպէս գլուխ 14. յօրէնս, և իւրաքանչ ոք ունին ոռճիկա տարեկանս 'ի առաքօղէ իւրմէ իբրև 3000 դահեկան, վասնորոյ 'ի գլուխ 278, յօրէնս նշանաւորեալ ոռճիկա պաշտօնատարաց մերոց, ով ոք որ լինիցի յաւելարժանի քան զ3000 դահեկան, զոր ինչ յաւելորդն 'ի տանէն հայոց հատուցանի, և ումեք արժանաւորութիւնն պաշտօնի պակասագոյն ոռճիկ քանթէ 3000 դահեկանս, զամենայն զոր ինչ յա-